

四庫全書

子部

欽定四庫全書

子部

普濟方卷五十二

詳校官太醫院吏目臣周世泰

編修臣倉聖脈覆勘

總校官原任中允臣王燕緒

校對官中書臣徐步雲

謄錄監生臣官懋斌

欽定四庫全書

普濟方卷五十二

明 周王朱橚 撰

面門

面瘡論

夫面上生瘡者由內熱外虛為風濕所乘則生瘡也所以然者肺主氣散於皮毛脾主肌肉氣虛則膚腠開為風濕所乘內熱則肺氣溫氣溫則肌肉生熱也濕熱相搏之故令面生瘡也

升麻加黃連湯治面熱升麻加附子湯治面寒有何依  
據答曰出自雲岐子註仲景傷寒論中辨葛根湯云尺  
寸脉俱長者陽明經受病也當三二日發以其脉夾鼻  
絡於目故身熱目疼鼻乾不得卧陽明經也始於鼻交  
額中從頭下至足行身之前為表之裏其陽明經據熱  
本實陽明之名標陽則熱本謂胃胃者水穀之海故本  
實其從標而浮而長從本則沉而實陽明為病主身熱  
蒸而不惡寒身熱而標陽明本實者胃中燥鼻目疼頭

痛鼻絡於目為肌肉之本几几而熱陽明一禁發汗不  
止在腑者不禁下發之變黃證太陽主表榮衛是也榮  
衛之下肌肉屬陽明并陽病葛根湯主之衛者桂榮者  
用麻黃榮衛之中麻黃桂各半衛之下肌肉之分者葛  
根湯又名解肌湯故陽明者肌肉之本也非專於發汗  
止汗之治桂枝麻黃兩方互相併為一方加葛根者便  
作葛根湯故榮衛肌肉之次也桂枝芍藥生薑甘草大  
棗止汗有麻黃桂枝甘草生薑發汗葛根味薄獨加一

兩發汗止汗從葛根以解肌故名葛根湯錢中仲製升  
麻湯方治傷寒溫疫風熱壯熱頭疼肢體痛瘡疹已發  
未發葛根為君升麻為佐甘草芍藥安中氣朱奉議作  
活人書將升麻湯列作陽明經解藥予診楊氏婦陽明  
經標本俱實先攻其裏後瀉經絡中風熱升麻加黃連  
湯以寒治熱也尼長老陽明經標本俱寒先實其裏次  
行經絡升麻湯加附子以熱治寒也仲景乃羣方之祖  
信哉

治面熱楊郎中之內五十一歲身體肥盛已酉春患頭  
目昏悶面赤熱多服上清藥不效請予治之診其脉  
洪大又且有力內經云面熱者手陽明病經云陽明  
經氣盛有餘則身已前皆熱况其人素膏粱積熱於  
胃陽明經多血多氣本實則風熱上行諸陽皆會於  
頭目故面熱之病生矣先以調胃承氣湯七錢加黃  
連二錢犀角一錢踈下三兩行徹其本熱次以升麻  
加黃連湯去經絡中風熱上行如此則標本之邪俱

遠矣

升麻加黃連湯

升麻

葛根

各一錢

甘草

五分

白芷

七分

川芎

三分

黃連

四分

白芍藥

五分

生犀末

三分

荆芥穗

三分

黃苓

四分

薄荷葉

二分

右剉如麻豆大用新水半盞先浸川芎荆芥薄荷外

都作一服水二盞半盞煎至一盞半入先浸三味同

煎至一盞去滓食後溫服數服而愈忌酒濕麪及五

辛之物

治面寒真定維摩院尼長老六十一歲身體瘦弱已酉  
十月間病頭面不耐寒氣弱不敢當風行諸治皆未  
效予診其脉弦細而微且其人年高長素食茶果而  
已陽明之經本虛脉經云氣不足則身已前皆寒慄  
又加看誦慣風由此胃氣虛經絡之氣亦虛不能上  
榮頭面大惡風寒先以附子理中丸數服溫其中氣  
次以升麻加附子湯行經絡

升麻加附子湯

升麻 葛根 白芷 黃耆 黑附子 甘草

人參 益智仁 草豆蔻

右剉如麻子大作一服水三盞連鬚葱白同煎至一盞去滓溫服食前數服良愈

洗風散 洗療一切風毒頭面生瘡

防風 荆芥穗 吳白芷 白茯苓 蔓荊子

威靈仙 何首烏 川芎 苦參 白牽牛

斤

各三兩 各半

右為粗末每藥末三兩好漿水三升煎五七沸去滓  
洗面每日早晚二次用

治面瘡方

出危氏方

用貝母為末小葦筒灌其口即成痂而愈

硫黃膏

治面部生瘡或鼻脰赤風赤百藥不效者惟

此藥可治妙不可言每臨卧時洗面令淨以少許如  
面油用之近眼處勿塗數日間瘡腫處自平赤亦消  
風刺粉刺一夕見效

生硫黃 白芷 瓜婁根 膩粉 全蝎 芫青

蟬退

右為末麻黃蠟約度如合面油多少熬鎔取下離火  
入諸藥在內如法塗之一方加雄黃蛇床子少許

松脂膏 治面上風瘡黃水流或痒或痛

松脂 石鹽 杏仁 各一兩 蜜 三兩 蠟 一兩 薰陸香 二兩 蓖

麻子仁 一兩

右先研松脂石鹽薰陸香等次入杏仁蓖麻研令勻

用蜜蠟煎成膏攤於帛上貼之日兩度換之

治髭瘡方

用耳中垢塞傳之止愈

又方

用白殭蠶直者一枚以葱白搗汁同殭蠶細研塗之  
瘡上即愈

治面上瘡癬方

白芨 白欽 白芷 白茅香 零陵香

各等分

右為末赤豆末拌共搗常用其瘡癬當自去也

治面惡瘡及疔瘡流出黃水沾肉為瘡方

胡粉 黃連 粳米 赤小豆 水銀

右搗羅為末入胡粉水銀研令勻以清油旋調日二  
三度大妙

治面上生風瘡方

硫黃 蝸牛殼 胡粉 膩粉

各一兩 麝香 半兩

右都細研令勻面脂調塗之

治面上風毒惡瘡方

胡粉

松脂

水銀

各二兩

右先以松脂合豬脂煎令消內水銀胡粉攪令勻候冷塗之

治面上赤瘡散漫或如痂子或如風皴滿面赤疼方

黃連

黃芩

黃蘗

各一兩

膩粉

一分

右搗羅為末入膩粉同研令勻用油蠟面脂調如膏夜卧時先以漿水煖洗面了傅之明旦還以漿水洗

面不過三兩上即瘥

治面上風毒方

白蓮散治去黑子諸般瘤癧

花蘼

桑柴灰

風化石灰

各二錢

糯米

三錢

右取用磁石礮內瓦蓋口用黃泥裹定文武火燒一時辰許取出放冷將藥研細用針尖撥乾貼

清肺散 治肺經客熱鼻面風瘡

蔓荊子

桑白皮

各一兩

甘草

半兩

荊麥穗

半兩

兩

右為細末用鴈茶調下一大錢日再亦治面皴鼻至  
奇

治面上風毒惡瘡方

硫黃

半兩

杏仁

胡粉

各一錢

右都爛研令勻以臘月猪脂調勻日三二次塗之

栢連散 治面有熱毒惡瘡

胡粉

黃蘗

黃連

各等分

右為末取傅上瘡止若瘡乾以面脂調塗之日三一

方猪脂亦可調塗

治頭面生瘡燥痒黃水出方

蜜陀僧

硫黃

各二錢

右為末酥油調傳

苦參圓肺毒邪熱頭面生瘡生疥癬

用苦參為細末粟米飯和丸如梧桐子每服五十九

米湯下

治面上肺風瘡方

何首烏 防風 薄荷 烏蛇各二錢半 苦參 荊芥

穗 川芎 香附子

各半錢

右為細末每服三錢食後茶酒送下後用洗瘡法

易容膏 治面上瘡及點

麻油 乳香 松節 松脂 黃蠟 白芨 川

升麻

各一兩 白欵

右搗升麻白欵細羅為末先以油煎松節并白芨令黃赤色瀝去滓後入松脂黃蠟又煎令消即入乳香

升麻等末熬成膏傾於瓷器內收凡面上黥黯風刺  
諸般惡瘡傳之極妙

治面上肺風瘡方

用無灰酒於沙盆鉢內濃磨鹿角尖傳之兼服和濟  
局方治腎藏風黃耆丸即愈

治面上瘡及黥易容方

用烏蛇二兩燒灰為末以臘月猪脂調傳之

治面上五色瘡方

用鹽湯綿浸榻瘡上日五六度易瘥

治面上瘡黃水出并眼瘡方

以一百五日收取桃水不拘多少細末之食後以水半盞調服方寸日二甚良

治療癰瘤子用之仍得光潤皮急

以土瓜根搗篩漿水和勻入夜漿水洗面傅藥旦復洗之百日光華射人夫妻不相識小兒四歲發黃生搗絞汁三合與飲不過三飲已瘥

療瘡方 最去面上風刺瘡

黃連 糯米 赤小豆 吳茱萸

右搗黃連等下篩先於掌中研水銀使極細和藥使相入以生麻油總稀稠得所洗瘡拭乾傅之但是瘡即療神效不傳

治面上瘡

用鐵子底黑煤於小油中以匙打成膏子攤在紙上瘡上貼之

柳絮散 治面露瘡作濃窠如香瓣

柳絮搗末 膩粉

右等分研勻燈盞中油調塗之

一方用澡豆

洗面藥

川芎 細辛 藁本 藿香 白附子 冬瓜子

沉香 殭蠶 甘松 杜零陵 皂角末 阿

膠 楮桃 丝瓜 白蘞 腦子 糯米 白朮

生栗子 吳白芷 白茯苓 白芨 土瓜根

廣零陵

右為細末

洗面藥方

零陵香 檀香 丁香 茅香 藿香 白朮

白芨 白歛 川芎 沙參 防風 藁本 三

柰子 天花粉 木賊 楮桃兔 黑牽牛 白

殭蠶 白芷 甘松 菘豆 肥皂角

右為細末每日洗面用之面上遊風諸般熱毒風刺  
光澤精神爽

澡豆洗面去肝黧風痒令光色澤方

白朮 白芷 白芨 白欵 茯苓 藁本 萎

蕤 薯蕷 土瓜根 天門冬 百部根 辛夷

仁 括萋 藿香 零陵香 鷄舌香 香附子

阿膠 白麩 棟子 澡豆 皂莢

右搗篩以洗面令人光澤若婦人每夜以水和解將

塗面至明溫水洗之甚去面上諸癩

漂豆方 治面上黑不淨洗手面

白豆屑 白附子 甘松香 丁香子 白芷

白僵蠶 鷹屎白 白檀香 白朮 木香 芎

藟 白鮮皮 大棗 杏仁 射香 白梅肉

麵升三冬瓜仁 猪脰 鷄子白 土瓜根一兩

右先以猪脰和麵曝乾然後合諸藥搗末又以白豆屑二升為散每旦用盥洗十月色如白雪三十月如

凝脂千金方有桂心三兩無白殭蠶芎藭白附子大  
棗

洗面藥

山川芎 藁本 白薇 瓜蒌仁 阿膠 白茯苓  
苓 石膏 甘草 香白芷 零陵香 防風  
白芨 滑石 三柰子 細辛 薑 楮實子  
菉豆 糯米 皂角

右為末每用三錢洗面

香藥澡豆方 治面黥黑黯手皮乾皺令潔白光潤

白欬 白芷 葳蕤 白芨 細辛 當歸 鹿

角膠 土瓜根 白茯苓 商陸 鸕鷀屎 蜜

陀僧 瓜蒌仁 桑根白皮 橘子 芎藭 白

附子 冬瓜仁 桃仁 礬砂

右細搗為散先將鹿角膠并礬砂以水三升煮令膠消用和白麵五升薄作餅子曝乾搗羅為末更入菜豆麩二升藥相和令勻常用洗手面色白如練

澡豆方 治洗手面令白淨悅澤

白豆麩

升一麵 升三冬瓜仁

猪脰

白茯苓

白鮮

皮 白芷

括樓子

白朮

白附子

白歛

菟絲子

土瓜根

羌活

萎蕤

桃仁

杏仁

商陸

芎藭

各一兩

右合搗篩入面猪脰拌勻更每日常用以漿水洗良

又方

猪脰

豆末

細辛

土瓜根

白朮

藁本

防風 白芷 茯苓 商陸根 白附子 桃仁

杏仁

各四兩

括樓

皂莢

冬瓜子

雀屎

菟

絲子

右搗末以麩一斗用漿水和豬脰研令爛和諸藥及麩作餅曝乾搗絹篩收貯勿令遇風洗手面極妙

洗面藥

藿香 瓜蒌仁 白芷 藜蘆 檀香 楮桃兒

白茯苓

防風

各二兩

丁香

川芎

黑牽牛

零陵香 甘松 茅香各二兩半 麝香 赤小豆 沉

香 糯米一升

右為細末

又方海上方

白茯苓 藿香 零陵香 香白芷 白附子

白朮 白城 白殭蚕 甘松各半兩 杏仁 藁本

黃明膠二兩 雀糞 皂角 赤縛兒 糯米 菜

豆一升 益母草灰六七月開花 威時採

右為細末拌勻洗面

澡豆方 治面黑不淨

丁香 沉香 木瓜花 鍾乳粉各三兩 桃花 青

木香 櫻桃花 白蜀葵花 麝香半兩 柰花 白

蓮花 紅蓮花各四兩 李花 梨花 旋復花各六兩

玉屑 珍珠各二兩 蜀紅花一兩

右搗末鍾乳等並研以絹下之合和大豆末七合研之千遍密貯勿泄常以洗手面百日如玉光潤去臭

氣粉滓咽喉臂膊用洗妙

又方

白鮮皮 白殭蠶 芎藭 白芷 白附子 鷹

屎白 白朮 甘松 甜瓜子仁 細辛 杏仁

白檀香 藁本 各二兩 冬瓜子仁 白梅肉 鷄

子白 猪脬

右搗為散入後三味同搗勻每洗面日常用之

溲豆瓜仁洗面光潤方

白鮮皮 鷹屎白 白芷 青木香 甘松香

白朮 桂心 麝香 白檀香 丁子香 各三兩 冬

瓜子 白梅 雞子白 猪脰 麩 五升 土瓜根 一兩

杏仁 二兩

右以猪脰和麩曝乾然後諸藥搗散和白豆末三升以洗手面十日如雪三十日凝脂無比

洗面藥

黃明膠 甘松 白欬 藁本 川芎 細辛

白芨 殭蠶 川零陵 白朮 各一兩半 桃花 大皂

角 沉香 糯米 一升

右為細末

澡豆洗手面藥豆屑方

白茯苓 土瓜根 商陸根 萎蕤 白朮 芎

藟 白芷 括萋 藁本 桃仁 各六兩 皂角 豆

屑 豬脂 豬蹄 麩 一斗

右取豬蹄汁拌諸藥等曝乾搗散以作澡豆洗手面

妙

玉盤散 治洗面

糯米

升二

皂角

斤二

乾楮實

斤一

黃明膠

斤一

白芨

白歛

白芷

白朮

藁本

芎藭

細辛

甘松

零陵香

白檀香

各一兩

右為粗末，澡豆以皂角末別入，看緊慢添減洗面濕為度，或加白丁香、杏仁、鷄子清調塗過夜者，專去風

刺

澡豆悅面急面皮去黥黯粉刺方

蔓荊子 白芷 芎藭 皂角末 萎蕤 白朮

各五 冬瓜仁 梔子仁 括萎仁 葶豆升 猪腦

兩 桃仁 鷹屎 商陸三

右藥為末其冬瓜仁梔子仁括萎仁別搗如泥猪腦鷹屎合搗令相得然後下諸藥更搗令調以冬瓜瓢汁和為丸每洗面用漿水以此丸當澡豆用早夕用之亦不避風日即瘥

澡豆方 治面黑不淨

白芷 白欬 白芨 白附子 白茯苓 白朮

各二兩 桃仁 沉香 麝香 杏仁 大豆麵 糯

米 皂角

右先將好漿水三大盞消膠為清取糯米淨淘和膠清煮作粥薄攤晒之令乾和藥一時搗細羅為散取豆麵重和之令勻又用酒半盞白蜜二兩火上鎔之令蜜消即一時傾入澡豆拌之令勻曬乾常用洗手

面佳

檀香散 治洗手

瓜蒌根 零陵香 藿香 甘松 藁本

各二兩

吳

白芷 大皂角 茅香 白檀香 糯米 楮桃

皂

三兩

右為細末沙羅子羅如常洗手使用

澡豆治手乾燥少潤膩方

大豆黃 赤小豆 苜蓿 零陵香 冬瓜仁

茅香

各六兩

丁香

麝香

猪脬

右細搗羅與猪脬合和曝乾再搗篩取洗手面常用之良

澡豆方

猪脬

白茯苓

藁本

白芷

各四兩

甘松

零陵

香

白商陸

大豆末

藿灰

升一

右搗篩調和訖稍取前猪脬九味瓷器中汁和以洗手面只用煖酢漿洗淨後任意水洗如常八九月冷

處貯之三月後勿用亦治手乾燥少潤膩一方無白芷

萹豆香澡豆方

萹豆升一白附子 芎藭 芍藥 白朮 括萎

商陸 桃仁 冬瓜仁各二兩

右搗末以洗面後傅藥粉搽之亦如常法此方甚妙  
肘後方無白朮

香藥澡豆方 治面黥黑黯手皮乾皴令潔白光澤

頭麵

五升

白歛

甜薑瓢

白附子

白芷

芎藭

白芨

零陵香

白檀香

各一兩

右細搗為散更入菜豆麵二升相和令勻每日洗手

面常用之甚良

澡豆良方

白芷

白歛

白朮

桃仁

冬瓜仁

杏仁

萎蕤

各等分

皂莢

右為末絹篩洗手面時即用之極妙

又方

葶豆麩 白芷 青木香 甘松香 零陵香

藿香

二兩

冬葵子

括萎仁

四兩

右搗篩用如常法

猪蹄湯 治洗手面令光潤

猪蹄 桑白皮 芎藭 姜蕤 白芷 白茯苓

各三兩 商陸 白朮

二兩

右咀咀以水三斗煎猪蹄及藥取一斗去滓每温一

盥洗手面極良

蘇澄藥澡豆方

白芷

芎藭

括萎子

各五兩

青木香

鷄舌香

各三

兩

皂莢

葦豆

赤小豆

各二升

右搗末和散任用洗手面去疢胞妙

香藥澡豆方

治手乾燥常少潤膩

白芷

甘松香

零陵香

訶萎仁

冬瓜仁

各四

兩葦豆

大豆麵

升一

右搗為細散每洗手面常用佳

漂豆方 治洗手面令白淨悅澤

葦豆麵

升一 括萋實三

兩猪脰五

具土瓜根

白茯苓

葦蕤

肥皂莢

三挺

右搗篩將猪脰拌勻和更搗令勻每旦取洗手面百  
日一方以好酒二斤都煎之令白芷色黃絞去滓更  
煎盛磁器中旋以塗手面

玉肌還少散

白芷 白欽 白附子 阿膠 白殭蠶 白蔘

藜 白膠香

右為末不拘多少如痘痕加乳香用一料加皂角末  
一升

澡豆方 治面黑不淨

白芷 芎藭 瓜蒌仁 各五兩 鷄骨香 皂莢 十兩

右搗為末入大豆赤小豆末各半升和勻日用洗面

令人顏色悅澤

服藥取白方

白松 乾地黄 乾漆 附子 桂心

右以搗末蜜丸服十九日三諸蟲悉出便肥白

令顏色光澤方

白附子 白芷 蜜陀僧 胡粉

各一兩半

右搗為末以羊乳汁和之夜卧塗面旦煖漿水洗不

過五度

純陽紅粧丸

破故紙

四兩

胡桃肉

四兩

蓮肉

一兩

葫蘆巴

四兩

右為細末酒糊丸如梧桐子大每服三十九空心酒

下

淖手藥 臨睡使用

括萋

一箇

瓜

一箇

杏仁

三十

右各細剉用綿包於瓷盒內酒浸每洗手訖塗淖手

洗面藥

杏仁 滑石 輕粉

右等分研為細末飯上熟蒸入鷄子清勻調洗面畢  
傳之

洗瘡法 治面上黑黥風瘡

黑牽牛 甘松 香附子 各四兩

右為末作面藥逐日洗之

服藥取白方

乾薑 桂心 甘草 各等分

右搗羅為末旦以生鷄子一枚內一升酒中攪溫以

服方寸匕十日知一月白光潤

又方 治去黑

羊膽

猪胰

細辛

各等分

右煎三服塗面明旦溫漿水洗之

白面方 治去黥黯面皴

牡礪

三兩

土瓜根

一兩

右為末白蜜和取塗面即白如玉旦以溫漿水洗之

宜避風日甚良

洗斑洗肝方

紫背浮萍

四兩

防己

半兩

右濃煎洗浴就以湯浮萍於患處斑上熱擦如無真防己只以浮萍一味亦妙如此熟洗三五次其斑即除藥雖微末其功甚大不可小看

猪蹄漿

治急面皮去皺主光澤潔白去黧黯

以大猪蹄一具淨治如食法以水三升清漿水一升不汚盆中煮成膏用洗手面又以此藥和澡豆夜塗

面旦用漿水洗面皮即急

冬瓜洗面藥 治顏面不潔蒼黑無色

用冬瓜一箇以竹刀去青皮切作片酒一升半水一升同煮爛用竹篩擦去滓再以布濾過熬成膏入蜜一升再熬稀稠得所以新綿再濾過於瓷器中盛用取粟子大用津液調塗面上用手擦如熬藥時用柴二秤炭一秤布一丈

煉草留顏方

用五月五日收取益母草俗呼謂之鬱嗅草曝乾燒  
灰取草時勿令根上有土即無效燒之先以水洒地  
一處或泥一爐燒良久爐冷以灰細篩過用水熟攪  
和之攪令極熟團如鷄子大日中晒令極乾取黃土  
泥作小爐於地四邊各開一竅生剛炭上下燄以藥  
丸於炭中央一經一炷又則微微燒之令火氣欲絕  
不効經一復時藥熟不可以猛火逼之若藥鎔變為  
磁色黃時用之無驗火微則藥色白膩一復時出之

於白瓷器中以玉杵細研絹篩又碾三日不絕深藏於乾淨磁罐中收貯日逐取以洗手面晶瑩如玉老者還童神妙不可具述如無玉槌以鹿角槌亦可

洗面藥 其效延年去風令面光潤

用桃仁五合去皮用糯米飯漿研細以漿水杵取汁令桃仁盡即休微溫用洗面極妙

又方

用粟上薄皮研和蜜塗面展皺

治男子婦人白桃花顏色

三月三日取桃花為末七月七日取烏骨鷄血和塗面及身三二日後脫白如素白妙

又方 半年紅方

以鷄子一枚於尖頂上開一竅傾出黃留白用金花胭脂及礬砂少許紗封與鷄抱候別卵內鷄出為度乾以敷臉洗不落半年紅

療人一月即得肥白方

以大豆黃炒春如作醬滓取純黃一大升搗篩煉脂  
和丸熟丸酒服二十九再漸加至三十九服盡五  
升不出一月即大能食肥白試用之

延年洗面藥

萎蕤 商陸根 括蕒 杜若 滑石各八兩 土瓜

根 芎藭 辛夷仁 甘松各一兩 瓜萋五枚 白茯苓

白芷各一分 木蘭皮 零陵香 麝香二兩 葦豆二升

冬瓜仁二升 豬蹄三具

右搗羅為散和華豆以水桃仁冬瓜仁黃瓜萋子令  
碎以猪蹄汁中煖令散和藥作餅子曝乾搗篩更和  
猪蹄汁又捻作餅更曝乾汁盡乃止搗篩為散稍稍  
以洗手面妙

治洗面退油去藥子斑粉刺方

牽牛 白芨 甘松 山柰子 海金沙

右治雀斑加白丁香用鷄子清調擦晚塗面上

常用膏

右常用膏鷄子一枚丹砂二兩末之入子中白鷄腹  
下伏之月餘取用令面皮急而光滑丹砂發紅色不  
過五度傳面白如玉光潤照人甚佳

澡豆方

用蜜陀僧以乳和勻塗面自然光瑩

七白散 洗面藥

白藪 白朮 白牽牛 白茯苓 白芷 白芍

藥 白殭蠶

面裏皮痛何首烏末薑汁調膏傅之帛蓋以火炙鞋  
底熱熨之

硫黃

蝸牛殼

木香

各半兩

朱粉

杏仁

各半兩

研膏蝸殼木香為末硫黃朱粉

國丹也

杏仁入臘月猪

脂調成膏夜卧時用漿水洗面令乾以藥塗患處平

明洗去濕癬以米泔水洗上藥

澤面

鍾乳丸 治面上萬病男子年五十服之顏如十五兒

女年四十服之顏如童女面色常如桃花永不皺先  
有黧悉皆平除神驗無比

鍾乳粉

兩一

金屑

珍珠

珊瑚

水精

琥珀

蜜陀僧

白檀香

千歲棗

各半兩

乳香

兩一

零陵香

人參

木香

訶勒梨

各一兩

白附子

桃仁

胡粉

黃鷹糞

丁香

光明沙

牛黃

各半兩

辛

夷

杏仁

右搗羅為末入石藥細研二七日訖以鍊蜜和丸如

彈子大每夜取一九以溫水化服經一月面如童子

白附子丸 治令人面潔白娟好

白附子 白芷 杜若 赤石脂 桃花

各三 分 各二

杏仁 甜瓜子 牛膝 雞糞白 白石脂

各一 兩

遠志 葳蕤

各三 分

右為末鍊蜜和搗五七百杵丸如梧桐子大每服食  
後以溫牛乳一合入口下二十九

桃花丸 治面黑黧令潔白光悅

桃花 桂心 烏喙 甘草 各二兩 白附子 甜瓜

子仁 杏仁 各一兩

右搗為末鍊蜜和丸如梧桐子大每服以溫酒下十  
九日三服之良

治人面似玉色光潤方

羊脂 一升 狗脂 一升 白芷 半升 烏喙 二兩 甘草 一兩 半夏 半兩

右細搗并脂同入在鑪中煎候白芷色黃膏成以綿  
濾去滓瓷器中貯每夜取用塗面如法二十日即變

麝香面膏 治面黑無精光令潔白滑潤光彩射入

麝香 猪脰 蔓菁子 酥 甜瓜瓢 桃仁

治人面白淨悅澤方

白歛 白朮 白附子 白芷 各二兩 藁本 三兩 猪脰

三具

右為末用蕪菁子半升又酒水半升相和煎數沸研如泥合諸藥內酒水中以瓷器貯封三日每夜取傅面旦以漿水洗之一方無白朮

治人面潔白澤顏色紅潤方

猪脬 蕪菁子 括萋子 桃仁

右以酒和搗傅之慎風日一方用杏仁一法又云寒  
月以為手面膏可加土瓜根一兩大棗六七枚

白楊皮散 治面與手足黑令光澤潔白

白楊皮 桃花 白瓜子仁

右搗篩溫酒服方寸匕日三欲白加瓜子欲紅加桃  
花三十日面白五十日手足俱白一方有橘皮三分

無楊皮

治面悅澤方

藥木

土瓜

大棗

七枚

右搗和膏湯洗面及塗藥四五日光澤矣

鉛丹散

鉛丹

真女菀

六十  
銖

右治下篩酒服一刀圭女二十日男二十日知則止  
黑色皆從小便出面白如雪便止過太白其年過三

十難復療服藥忌五辛一方用散漿水服方

治人面潔白悅澤顏色紅潤色方

以酒漬桃花服之好顏色治百病三月三日收一方  
採三株桃花陰乾為末空心飲服方寸匕日三並細  
腰身

治人面鮮花可愛方

用冬葵子取蒸烈日中曝乾擦去皮取其仁細研和  
蜜傅之甚驗食此藥後被狗咬即瘡亦瘥也

治面光白膩潤去黧黯面皴方

白附子 杏仁 香附子 白檀香 紫檀香

馬珂

各半兩

右搗羅爲末以白蜜都和勻夜卧塗面旦以溫水洗之

治面黑無精化潔白滑潤光彩射人

雄黃 硃砂 白殭蠶 珍珠末

右都研令勻以面脂和九胡粉一錢入藥二錢和攪

令勻夜卧塗之旦以漿水洗面良

冲順和氣湯 治面黑一婦人年紀三十憂思不已飲

食失節脾胃有傷面色黧黑不澤環唇尤甚心懸若  
饑仍不欲飲食氣短氣促大抵心肺在上行營衛而  
光澤於外宜顯而不藏肝腎在下養筋強骨於內當  
斂而不見脾胃在中主傳化精微以灌輸宜冲和而  
不息其氣一傷則藏見失所憂思不已氣結而不行  
飲食失節氣耗而不足使陰氣上溢於陽故黑色見

於面也又經云脾氣通於口其上在唇今水反侮土  
故色見於唇也此陰陽反作病之所從也上古天真論  
云陽明脉衰面始焦枯知陽明氣不足非助陽明生  
發之劑無以復其色也

升麻

白芷

防風

各一錢

甘草

芍藥

蒼朮

各三錢

分黃芪

八人參

葛根

一錢半

內經曰上氣不足推而揚之以升麻苦平葛根甘溫自  
地升天通行陽明之氣爲君人之氣似天之風疾感

之留滯不行以辛散之以防風辛溫白芍藥之酸安  
太陰之怯弱十劑云補可以去弱人參羊肉之屬人  
參黃耆甘草甘補益氣為臣至太真要論云曰辛甘  
發散為陽生薑辛熱大棗甘溫和營衛開腠理致津  
液以復陽氣故以為使

右件呔咀都作一服水二盞生薑三片棗二枚同煎  
至一盞去滓溫服早飯後午飯前取天氣上升之時  
使人之陽氣易達故也服而愈

治面目傷青黑

用熱酒調一黃散貼在黑不散酒調桂末貼末熱用

茶調貼

令人面悅白

取土蜂未成頭足者炒食之又酒漬以傅面良

長年美顏色令人不飢

以六天氣服之

悅澤肌膚如玉

取冬瓜子三五升去皮搗鍊為丸日服三十九令人  
白淨如玉

令人白淨肌細 以萊菔根服之

面膏

玉屑面脂方 令黑者皆白老者亦少

玉屑 寒水石 木蘭皮 旋復花 珊瑚 丁

香 土瓜根 蜀紅花 白茯苓 芎藭 兔絲

子 辛夷仁 冬瓜仁 白頭公 當歸 藎本

白殭蠶 商陸 蕪菁子 梔子花 細辛

萎蕤 藿香 白芷 防風 黃芪 桃仁 青

木香 前胡 桂心 半夏 白欬 杏仁 麝

蕪 芒硝 杜蘅 麝香 秦椒 礬石 秦皮

杜若 升麻 蜀椒 黃芩 白薇 各六銖 括萎

仁 一兩 熊脂 鷲脂 羊髓 牛髓 白狗脂 各五合

鷹屎白 清酒 猪肪脂 各一升

右咬咀酒漬一宿內脂等合煎三上三下酒氣盡成

絞去滓下麝香末攪至凝色變乃止甕器中密貯勿洩氣

玉屑面脂方

玉屑 白附子 白茯苓 青木香 萎蕤 白

朮 白殭蠶 蜜陀僧 甘松香 烏頭 商陸

石膏 黃耆 胡粉 芍藥 藁本 防風

芒硝 白檀 當歸 土瓜子 桃仁 芎藭

各二

兩 白頭公 零陵香 細辛 知母 猪脂 羊

脂

白犬脂

鵝脂

各一兩

辛夷

桃花

各半兩

右切酒水各一升合漬一宿取出之用微火煎令水氣盡候白芷色黃去滓停一宿旦以柳枝攪乃用之

面膏方

治人面色悅澤如花桃紅光

杜蘅

杜若

防風

藁本

細辛

白附子

木蘭皮

當歸

白朮

獨活

茯苓

萎蕤

白芷

天雄

玉屑

各一兩

兔絲子

防己

商陸

梔子花

橘仁

冬瓜仁

薜蘿花

各三兩

藿香

白鴉脂 丁香 零陵香 甘松香 青木香

各二兩 麝香 白脂 牛髓 各一兩 羊脛 三具

右先以水浸各髓等五日滿易水又五日別一易水  
又五日二日一易水凡二十日止以酒一升按羊脛  
令消盡去膜乃細切香於甕器中浸之密封一宿曉  
以猪脂等各煎三上三下以酒水氣盡為候即以綿  
布絞去汁十日以後色等桃花一方有白斂人參各  
等三兩無藤蕪花瓜仁此是面膏藥疑更有此二味

治面上皴黑凡是面上疾皆主之方

丁香 零陵香 梔子花 桃仁 白欵 茯苓

土瓜根 菟絲子 防風 沉香 辛夷 當

歸 麝香 藁本 商陸 芎藭 各三兩 萎蕤 藿

香 白芷 甘松香 鸕鷀糞 木香 各二兩 白附

子 土瓜根 木蘭皮 白茯苓 冬瓜仁 鵝

脂 羊髓 羊腎脂 猪脬 六具

右細剉以猪脬汁漬藥一宿都入於鍋中煎令白芷

色黃為度去滓微火煎成膏入麝香和勻盛於瓷盒  
內任用傅面

延年面脂方

白朮 茯苓 杜蘅各六分 姜蕤 藁本 芎藭

土瓜根 括萎各五分 白殭蠶 蜀紅花 辛夷仁

零陵香 藿香 菟絲子 梔子花 麝香

鷹屎白 冬瓜仁 桃仁 白蠟 羊脂 猪脬

白附子 猪脂三升

右細切酒三升取猪脰桃仁綿裹內酒中按令消絞  
取汁漬藥一宿別煎猪脰令消去滓以鵝脂羊脂白  
蠟於鐺中用綿裹內鐺微火煎三上三下藥黃色去  
滓待澄凝內鷹屎末攪令勻以塗面妙

面脂方 治面上諸疾黑黥瘡刺令白潔如玉

當歸 芎藭 細辛 白朮 辛夷 鹿髓 木蘭

皮 瓜蒌瓢 白附子 藁本 桃花 鷓鴣糞

蜜陀僧 白殭蠶 零陵香 杜蘅 鷹糞白 葳

麝香 丁香 鴛脂 白茯苓 羊髓 白蠟

猪脂

右搗碎以酒一斗鷺脂漬一宿明旦濾出以鷺脂等煎  
候白芷色黃膏成去滓入麝香攪令勻夜以傅面慎風

麝香膏 治面上百疾

麝香 零陵香 土瓜根 白薇 防風 沉香

梔子花 當歸 藁本 木蘭皮 白殭蠶

白芷 商陸 丁香 辛夷 白茯苓

各一兩

各一兩

白芷 商陸 丁香各一兩 牛脂 猪脂 鴛脂

右細剉綿裹用酒一斗浸一宿取脂髓等慢火於銀

鍋中與藥同熬成膏

又方白殭蠶 木蘭皮各二兩半 蜀紅花 青木香 冬瓜

仁 羊腎脂 羊髓 生猪脂 鴛脂一升半

右吹咀先以美酒五升援猪脂六具取汁漬藥一宿於猪脂中微火極煎三上三下白芷色黃以綿一兩內生布中絞去滓入麝香以白木篦攪至凝乃止

治人面悅澤如桃花紅光方

辛夷 細辛 芎藭 白朮 白芷 當歸 木蘭

皮 括萎 香附子 藁本 桃花 蜀紅花 商

陸 蜜陀僧 白殭蠶 零陵香 杜蘅 鷹屎白

姜蕤 土瓜皮各五 麝香 丁香各二 白附子

玉屑 鷲脂 麝髓 羊髓 白髓 猪脂三升

右切細酢漬密封一宿明旦煎猪膏三上三下白芷色黃為度藥成去滓攪數萬遍令色白以傅面慎風日良

玉屑面膏 治面無光澤皮肉皺黑久用令人潔白光潤

玉屑 細辛 土瓜根 熊脂 當歸 白犬脂

葳蕤 木蘭皮 桃仁 鷹屎白 商陸 辛夷

兩蜀紅花 青木香 白殭蠶 芎藭 黃耆 杜

蘅 藿香 菟絲子 麝香 防風

各半兩

丁香 白

附子 冬瓜仁 猪胆 鷲脂 羊髓 白蠟 猪

膏 猪肪脂

各一升

右以水浸猪鷲犬熊脂數易水浸令血脉盡乃可咬咀

諸藥清酒一斗漬一宿明旦生擘猪鷄等脂安藥中取  
銅鐺於炭火上微微煎藥至暮時乃熟以綿濾置瓷器  
中仍以綿絮白芷片看色黃即膏成其猪脰又浸藥酒  
煖取汁安鐺中其玉屑蜀紅花鷹屎麝香為末膏成安  
藥中攪令勻旋取傅面一方有鸕鷀糞無蜀紅花  
面脂方 治面上皴黑丸是面上之病皆主之

丁香 零陵香 桃仁 白欵 白芨 白殭蠶

辛夷 商陸 防風 當歸 沉香  
各三兩 麝香 梔

子花 芎藭 菟絲子各三兩

煎候白芷焦黃為度去滓入麝香和勻於篋盒中盛夜臨卧洗手面拭乾塗之

面脂方 主悅澤人面耐老

冬瓜仁 白芷 商陸 芎藭各三兩 當歸 藁本

蘼蕪 土瓜根 桃仁 葳蕤 細辛 防風 木

蘭皮 辛夷 甘松香 麝香 白殭蠶 白附子

梔子花 零陵香 猪脰

右薄切綿裹以豬脰汁漬一宿平旦以煎豬脰六升微  
火三上三下白芷色黃膏成去滓入麝香收於甕器中  
取塗面一方用酒浸藥妙

面膏方 令人面色悅澤桃花紅光

防風 芎藭 白芷 白殭蠶 蜀紅花 白歛 細

辛 茯苓 藁本 葳蕤 青木香 辛夷仁 當歸

土瓜根 括萋各三分 桃仁 豬脂 鵝脂一升 羊脂一升

右切綿裹酒二升浸一日一夜便內脂急火煎之三上三

下用慢火熬一夜藥成去滓以水石粉三分內脂中以  
柳木篦熟攪任用之

治面黑令白去黥方

烏賊魚骨 細辛 括萋 乾薑 蜀椒各三兩

右以苦酒漬三日以成鍊牛髓二斤煎之以酒氣盡藥  
成作粉以塗面醜人亦鮮妙光華

玉屑膏 治面頰手指肌膚皴澁不澤

塗面方

用冬葵子令人面鮮華取葵子蒸烈日中曝乾按去皮  
取仁細研和白蜜傅之甚驗

蠟脂膏

白蠟 桃花 菟絲子 白芷 木蘭皮 細辛

辛夷仁 白茯苓 土瓜根 括萎根 白附子

杜蘅 桃仁 杏仁各三 羊髓 蔓菁油二升 牛髓

麝髓

右並細切以苦酒浸一宿用上件蠟油髓脂等煎如面

脂法其蔓菁油煎令煙出然後下蠟髓訖內諸藥候白  
芷色黃膏成任用每日以溲豆洗面然後塗之

治人面色潤膩鮮白如玉

防風 葳蕤 芎藭 白芷 藁本 桃仁 白附

子 茯苓 細辛 甘松香 零陵香 當歸 括

萸各四分 蜀椒 鸕鷀屎 冬瓜仁各三分 麝香一分

右酒漬淹潤一夕明旦以薄綿寬裹之以白鷺脂三升  
羊脂二升並鍊成者共煎之於銅器中微火上煎使之

沸勿使焦也乃下之三上看白附子色黃膏成去滓又入鐺中上火內麝香氣出仍將麝香以綿濾度之乃內括萋仁桃仁冬瓜仁等脂并鷓鴣屎等攪令勻調膏成待凝以瓷器貯柳木作搥子於鉢中研使輕虛得所早晚研之無度數三二日研始好唯多則光滑任用

手膏方 治塗面令潤澤

白芷 芎藭 藁本 葳蕤 冬瓜仁 棟子仁

桃仁 棗肉 猪脂 冬瓜仁 陳橘皮

瓜蒌子

右細剉以水八升煮取三升去滓別以好酒三升接  
猪脬取汁入研桃仁并煎藥汁都攪令勻更煎成膏  
以磁器中貯先淨洗手拭乾塗之

常用蠟脂方

蔓青油升三甘松香 零陵香 辛夷仁 白朮

細辛 竹茹 竹葉 白茯苓 薜薘花 羊髓

麝香

右切綿裹酒浸再絞去以脂中煎慢火令微作沸三日許香氣極盛膏成乃鍊蠟令白看臨睡下蠟調軟硬得所貯用之

手膏方 治手潤白

桃仁 杏仁 橘子仁 赤麴椒 辛夷 芎藭

當歸 大棗 牛腦 羊腦 狗腦

各一兩

右細剉先以酒一升漬猪腦又別以酒六升煮赤炮令爛絹裹絞去滓乃入猪腦等後以綿裹諸藥內酒

中慢火煎欲成絞去滓更煎膏成以磁器盛之五日以後堪用先洗手訖取膏塗之甚光潤切忌近火

### 鹿角散

鹿角 牛乳 芎藭 細辛 天門冬 白芷

白朮 白斂 白附子

酥酪 三兩 杏仁 五十枚

右咬咀先以水漬鹿角一百日出之與諸藥內牛乳緩火煎令汁盡出角以白練袋盛餘藥勿收至夜取石上磨鹿角取塗面旦以漿水洗之無乳小便硬亦

研得一方用牛乳及酥於銀鍋內慢火熬成膏夜塗  
面上良仍以漿水洗之一名鹿角膏令百歲老人如  
少年時主光澤潔白

常傳面脂方 療人面無光潤黑及皴

細辛 萎蕤 黃耆 白附子 薯蕷 辛夷

芎藭 白芷 各一分 括萎 木蘭皮 各二分 猪脂 三分

右切以綿裹用少酒浸一宿內脂膏煎之七上七下  
別出一片白芷煎色黃藥成去滓攪凝以傅面任用

之亦主金瘡止血良妙

去風面膏方 治風寒令人面光悅却去皴

青木香 白附子 白蠟 白芷 芎藭 零陵

香 香附子 茯苓 甘松

各一兩 羊髓 一升半

右咬咀以酒水各半升浸藥經宿次日煎三上三下  
候酒氣盡膏成去滓取傅面如面上有黥黥皆落

摩風膏

白芨 白欝 檀香 零陵香 白芷 茅香

藿香 蠟 白膠

右為粗末以香油煎焦色去滓却入蠟白膠加麝香少許良妙

令人面白似玉色光潤方

羊脂 猪脂 白芷 烏喙 天棗 麝香 桃仁 甘草 半夏

右各煎以白芷色黃去滓塗面二十日即變五日如玉光潤妙一方無桃仁麝香棗

令人面色悅澤如桃花方

香附子

十枚

白芷

二兩

零陵香

茯苓

麝香

蔓菁

子

牛髓

羊髓

水清白蠟

八兩

右以油髓微火煎五物令色變去滓內麝香研千遍  
凝用溲豆洗面後塗傅之

又方

杏仁

二升

白附子

三兩

蜜陀僧

白羊髓

珍珠

白

鮮皮

鷄白子

酒

三升

胡粉

右以清酒二升半先取杏仁盆中研之如膏下鷄白  
子研二百遍又下生羊髓研二百遍篩搗諸藥內之  
研五百至一千遍尤妙初研杏仁時即少下酒令薄  
漸漸下使盡藥成以指捻看如脂即可用也藥草以  
絹篩取細如粉佳

作塗手脂法又面光潤方

猪脰 白芷 桃仁 各一兩  
辛夷 冬瓜仁 細辛

黃瓜 括藁仁 各三分

右以油一大升煮白芷等二三沸去滓將猪脰取盡  
乃內冬瓜桃仁末各和之膏成以塗手掌即光亦作  
好酒煎之成膏尤佳一方無黃瓜

七白膏 令人面光潤不皺退一切黥黯

香白芷 白薇 桃仁 各一兩 辛夷 冬瓜仁 白

附子 細辛 各三錢

右以鷄子白調丸彈子大或人小指大狀陰乾每夜  
淨洗了面溫水漿於磁器內磨汁塗之極妙

玉龍膏

白欽

白芷

茅香

零陵香

各等分

瓜蒌仁

半兩

香

少許

右前藥三味以香油煎令稍焦去滓以蠟少許調勻

用度為妙

面脂方 治人面色潤膩鮮白如玉

白附子

鹿角膠

石鹽

白朮

細辛

鷄子

白

一枚

右細剉先以水一斗五升煎白朮以布絞取汁六升  
於銀鍋中以重湯煮取二升後下諸藥更煮至半升  
以綿濾過取於磁盒中每夜臨卧洗面了拭乾塗之  
療化面方 兼去黥黯令光澤潔白

珍珠

光明沙

冬瓜仁

各二分水銀

右以四五重絹袋盛之於銅鐺中以作漿水微火煮  
一夕一日始堪用取水銀和面脂熟研使消合珍珠  
冬瓜子末更和調以傅面取瘡為度旦以漿洗之

手膏方 治手潤冬不粗皴

瓜蒌瓢

二兩杏仁

一兩

右同研如膏蜜調令稀稠得所每夜塗

鍊脂法

凡合面脂先須知鍊脂法以十二日買極肥大豬脂  
水漬七八日旦易水煎取清脂投水中鍊鵝熊脂皆  
同此法

面油摩風膏

麻黃 升麻 當歸 羌活 防風 白斂 白

芫 白檀

右用小油半斤以銀石器內綿子裹定藥於油中熬之得所澄淨去滓入黃蠟一兩并麝香少許

### 白面方

牡蠣三兩 土瓜根一兩

右二味為末白蜜和取塗面即白如玉旦以溫漿水洗之宜慎風日以牡蠣為末蜜丸服三十九亦以牡

蠮肉炙食之佳

令人好顏色

以逢梟子食之

令面生光方

以蜜陀僧用乳煎塗面佳兼治瘡鼻皯

洗面方

用天門冬曝乾蜜丸用以洗面

令人面不皺光華可愛

以麋角於漿水研爲泥塗面上

### 滅癩痕

風熱諸毒積於肺臟發於肌肉而爲瘡癩瘡癩愈餘毒未除故瘡痂雖落而癩痕不滅治法既有塗澤膏潤之劑又須賴榮衛平均肌溫氣應外宜慎風冷也

治面泡瘡癩三十年已上

斑貓 巴豆 蜜陀僧 胡粉 鵝脂各三兩 煎金

鈿洮沙三兩 高良薑 海蛤三兩

右以粉、鵝脂和成，夜半塗之，旦以甘草湯洗之，瘡祛風膏。

滑石 牙子 盆硝 白上硫黃 乳香等分 輕粉

腦子 麝香各少許

右爲細末，用酥油勻臨卧洗之後，塗在面上，無酥油清油亦佳。

治久患瘡，瘻後癥痕不滅方。

定州菟器 白僵蠶 白附子 白芷 珍珠末

野鮑脂

酥

一兩

右搗為末先消野鮑脂與酥二味為汁候熱氣退即

下諸藥攪之如膏用塗癩上

白殭蠶膏

治面上癩痕及患瘡痍瘥後不滅

白殭蠶

白魚

白石脂

白附子

鷹屎

各一分

臘月猪脂

二兩

右除猪脂外搗羅為末細研以猪脂和令勻瓷盒中

盛旋取傅癩痕上避風

六物滅癥痕膏

衣中白魚 鷄屎白 鷹屎白 芍藥 白欬

右藥研如粉以乳汁和塗癥上日三良

辛夷膏 治面上癥痕及一切瘡瘡後亦黑不滅時復不止

辛夷 鷹屎白 杜若 細辛 各半 白附子 三分

右除鷹屎外並剉碎以酒兩盞浸一宿別入羊髓五兩銀石器鍋中以文火煎得所去滓將鷹屎研如粉

內膏中攪勻再以微火煖入盒中每日三塗瘡癩上  
避風一方以蜜傅之

治面上癩方

白殭蠶

一兩

珊瑚

白芷

一兩

鷄屎白

硃砂

各一兩

右搗蜜和之尤良

治久患瘡癩後癩痕不滅方

方見本門

當歸膏 治面上癩痕

當歸

白芷

各一兩

鷹屎白

半兩

烏鷄糞

一兩

右先將當歸白芷剉碎浸一宿別鎔猪脂一斤俟消  
入浸藥用酒文火煎之候白芷色黃去滓將鷄屎鷹  
屎內膏中攪勻傾入瓷盒中每日三塗癩痕上避風  
一方不用酒

治面上及瘡癩不滅方

鷹白屎

爛腐骨

屎白臑

各四錢

麝香

二兩

右研令如粉以葛布措令微赤以脂和傅之日二度  
瘡

玉屑膏 治面上癩痕及風毒

玉屑 蜜陀僧 白附子 珊瑚 各二兩

右搗為末入乳鉢內都研令勻每度用藥末二錢以真牛酥調勻夜卧時塗面上旦用溫漿水洗之

治滅痕無問新舊必除方

當歸 一兩  
猪脂 三斤  
白芷 一兩

右共搗綿裹以酒二盞煎十餘沸去滓日五七度塗之

治滅癩痕方

禹餘糧

半夏

各等分

右為末以鷄子黃和先以新布拭癩處令赤後用藥  
傅之勿見風日二十日十年者亦滅一方治一切瘡  
瘡後赤黑癩痕不滅時復痒不止

治癩痕凸出方

鷹屎白

一兩衣白魚

二十枚

右為末蜜和以傅日三五度良

又方

鷹屎白

二兩

白殭蠶

一兩半

右為末蜜和傅之日三慎五辛生菜又治一切瘡癢後赤黑癩痕不滅復痒不止

臘脂膏 治面上癩痕

臘脂

四升 大鼠

一枚

右入鐺中以文火煎之待鼠消盡以新綿濾去滓入甕盒盛每用先以布拭令癩痕色赤次以膏塗之三

五度瘡避風

救急滅癩方

蒺藜子

山梔子

各一兩

右為散醋漿和如泥臨卧時以塗之旦洗去

治癩痕凸出方

鷹屎白

一兩

白附子

一兩

右為細末酥調塗凸上日數次

治一切瘡瘡後赤黑癩痕不滅時復痒不止方

黃礬

燒令  
汁出

胡粉

燒令黃  
各半兩

右為細末以臘月猪脂和更研如泥令勻先以布揩之令赤痛即用藥塗之日五七度効

又方

鷹屎白

燕窩中草

各等  
分

右研為末以入乳汁和塗於癩上日三四度夜卧時塗之旦以漿水洗之自然肉平如故

治熱毒瘡癩後癩痕不滅方

出聖  
患方

鷄子

一枚酒浸七日後取黃

白殭蠶

二十枚

右藥與鷄子相和令勻先以布攪揩瘡癥赤痛塗之

甚効

治滅癥痕方

右用白蜜和鷹屎白三兩細研傅之三服則無問新

舊必除

治癥痕凸出方

出聖惠方

凡遇春夏以大麥麩秋冬以麥麩好細絹下篩以酥

和傅之

又方

出聖  
惠方

夏以熟瓦熨之冬以凍稜熨之

鷄子膏

出聖  
惠方

治瘡癩痕無問新舊塗

用鷄子五七枚熟煮取黃於鐺中炒如黑脂膏以物  
先揩癩痕然後塗膏日三九即自滅舊肉無別

治面上癩痕方

用馬莧汁洗緊唇面跑馬汁及射工毒塗之瘡

指爪破面

出聖惠方

用生薑自然汁調輕粉傅破處更無痕瑕

真玉磨方

出聖濟總錄

治面上癩痕

取真玉平處一面磨癩痕久則無痕

治面上滅癩方

方見本門

療久瘡及金瘡丸百瘡癩方能令高者就下下者起平

出肘後方

取純白色雌鷄一頭籠之煮豆赤小者飼之七日即

餓之然後截羊腎脂飼若不肯食更餓之自然食頻  
日與食之小糞出當色白膩潤此堪用籠鷄白糞二  
合辛夷四合白附子二分牡蠣三分細辛二分合搗  
末蜜和塗癩上

治去瘡癩方

出海上方名方

用白獺髓雜玉屑琥珀屑塗之一方用蜜陀僧末水  
調塗

治火燒瘡滅癩方

出聖惠方

用赤地利二兩搗羅為末以生麻油調傅之瘡上以  
癥滅為度

又方

出肘  
後方

以人精和鷹屎白塗之日二無問新舊必除亦用白  
蜜和之

治雜瘡及滅舊癥痕

用白殭蠶衣魚鷹屎白三味等分為末入在面膏內

和塗之瘡癥即滅

衣魚多在衣中  
在書名蠹魚

療痘瘡癍面靨

出譚氏  
小兒方

以蜜陀僧細研水調夜塗之明旦洗去平復矣

治面上滅癍

用木蘭香一斤以三年米醋浸一日出曝乾為末傳  
之用醋漿漬一百日乾為末服方寸匕

木蘭香即  
蘭香菜也

普濟方卷五十二